



492.60

877

3





漢石例卷三

寶應劉寶楠錄



墓碑例

書故吏故民例

泰山都尉孔宙碑陰故吏北海都昌逢祈字伯熹云云故民

泰山費淳于黨字季口云云

隸釋

案統言則曰故吏析言則有掾有史有令史分以列曹戶

曹

掾見濟陰太守孟郁修堯廟碑華山亭碑溧陽長潘乾校官碑邵陽令曹全碑史見孟郁修堯廟碑孔廟置守

廟百石孔龡碑華山亭碑樊毅修華嶽廟碑淮源廟碑潘

乾碑巴郡太守張納碑堂邑令費鳳碑學師宋恩題名祀

三公山碑馮煥殘碑少室石闕銘開母廟 奏曹 掾見蒼頡

石闕銘陳德碑竹葉碑令史見張納碑 法曹 掾見張納碑

宋恩題名尉曹掾見張納碑都鄉正衛彈賊曹掾見中部

曹全碑碑史見武都丞呂國題名案武氏石室題字單稱賊曹未分掾史宛令李孟初神祠

碑有賊捕掾即賊曹掾蜀郡造橋碑有荷賊曹掾隸釋於

荷字未詳韓勅造孔廟禮器碑有相中賊史謂相府中賊

曹史掾未見史見張兵曹掾見張納碑史見張納碑宋

碑金曹掾見張納碑中部碑史見張納倉曹掾見蒼頡廟

碑蒼頡廟案後漢書百官志公府掾十二曹其十已見碑

文惟西曹東曹罕見耳公府者太尉司徒司空三公之府

總稱府掾元儒先生婁壽碑柝稱太尉掾靈臺碑魯相韓

碑華嶽廟殘碑司徒掾靈臺碑仙人司空掾華嶽廟此十曹外又

有祠曹掾見孔觶議曹掾見潘乾碑張納碑呂漕曹掾史

張納集曹掾見張納碑蒼頡廟碑史見張納碑供曹掾史

華山比曹掾見張納碑史見獻曹掾未見史塞曹掾未見

亭碑張納碑宋恩題名水曹掾未見史見宋恩題客曹掾未

全穀曹掾未見史見見馮士曹司空孔扶碑單言士曹未不見於志案志戶曹

煥碑分掾史令史見馮煥碑主民戶祠祀農桑祠曹即戶曹奏曹主奏議事議曹即奏

曹尉曹主卒徒轉運事漕曹即尉曹倉曹主倉穀事穀曹

即倉曹志又云將軍其職吏部集各一人總知營事集曹

即部集又云客曹尚書主外國夷狄事則客曹掾史即尚

書屬吏繫以所屬之官也酸棗令劉熊碑郡曹史郡列掾

少府史唐公房碑太守史劉熊碑曹全碑郡曹史志又云

曹全碑將軍令史郭究碑額司隸從事並繫以官

公府掾比古元士三命或曰漢初掾史辟皆上言之故有秩比命士其所不言則為百石屬是士曹乃諸曹中之聞於朝比命士者別於不命故曰士曹惟供曹比曹獻曹塞曹水曹無文以明之志又云署諸曹事掾史屬二十四人以十二曹計之每曹掾史各一人而漢碑掾則有右金曹右賊曹中部碑史則有左戶曹右戶曹左賊曹竹葉碑右賊曹竹葉碑左決曹右決曹竹葉碑左金曹張納碑右金曹張納碑左倉曹右倉曹張納碑中倉曹中部碑左漕曹右漕曹右集曹右兵曹張納碑外兵曹馮煥碑是每曹掾史各四人有中外左右之殊十二曹當有九十六人與志文不合疑漢末不能

如制碑文又有祠祀掾無極山碑白鑿廟掾少室石闕銘

關銘鑿石神君碑當即戶曹門下議掾史掾見曹全碑史見北海相景君碑靈臺碑門下議

生同曹全碑當即奏曹又有郵書掾案志法曹主郵驛科程事

則郵書即法曹志又於司隸校尉云從事史十二人考諸

漢碑司隸中都官從事北軍中候郭仲奇碑志云都官從事此云中都官從事豈亦如督

郵五吉成侯與志同河隄從事州輔碑與志異又兗州從事韓勅碑

州刺史王純碑豫州從事韓勅碑益州從事唐公房碑張納碑荊州

從事桂陽太守周憬功勳銘冀州從事張表碑卽志所云郡

國從事志又云假佐二十五人考漢碑有功曹書佐蒼頡廟碑

與志同又有決曹書佐沛相楊統碑案志於太尉下云決曹主

罪法事於司隸校尉下云都官從事主察舉百官犯法者

則決曹書佐當即都官書佐又有單稱從事靈臺碑鄭季宣碑樊毅

修華嶽碑周憬功勳銘並單稱書佐北海相景君碑西嶽華山廟碑文不

備也別有治中從事王純碑樊敏碑志云州刺史功曹從事為治

中從事是也其郡縣掾史志云凡郡國歲盡遣吏上計又

云有功曹史五官掾五部督郵曹掾門亭長主記室史諸

曹各有書佐幹注引漢官員吏中有案獄仁恕監津渠漕

水掾文學守助掾循行幹小史考漢碑有上計掾史掾見張納

碑夏承碑掾史並見功曹史淮南廟碑張納碑繁陽令楊君碑宋恩題名李孟初神祠

南陽太守秦頡碑碑蒼頡廟碑陳德碑竹葉碑曹全碑案樊毅修華嶽廟碑劉熊碑華山廟殘碑蒼頡廟碑武氏石室題字曹全碑

亦單稱功曹楊君碑又兼稱五官掾靈臺碑淮南廟碑博處士功曹疑皆指功曹史陵太守孔彪碑呂國

題名祀三公山碑少室石闕銘開母廟石闕銘蒼頡東部廟碑武氏石室題字劉熊碑五百掾蓋五官之譌

督郵唐公房碑南部督郵周憬銘張納中部督郵張納碑北海相景君碑竹

葉北部督郵竹葉碑靈臺碑都鄉孝子嚴舉碑武亭長

魯王墓前石人刻字案公府以下正門俱有亭長此亭長屬郡國故列於此又案志亭有亭長此鄉亭之長與門

別主記史淮南廟碑潘乾碑費鳳碑中部碑蒼頡廟碑記室鄭季宣碑記室史費鳳碑主史疑並同又

靈臺碑陰有主吏生記書佐鄭季宣碑皆與志合又有直事干

鄭季諸曹干司馬干即幹漢人借干為幹王氏昶金石萃

宣碑作干古蓋省為干是也後漢書欒巴傳雖幹吏卑末皆課

令習讀注幹府吏之類也晉令諸郡國不滿五千以下置幹吏二人郡縣皆有幹幹猶主也北海相景君銘幹作

午隸釋曰百官志載郡縣吏屬自曹掾之下有書佐有循連筠篔叢書

行有幹有小史此碑故午六人在循行小史之間隸中部
文幹字其旁从一从干或从一从午午是幹字省文

案獄張納碑即案獄仁恕志注引漢官河南尹員吏案獄仁恕三人此云中部位似當如督郵五

部五人疑漢都水掾西嶽華山廟碑即監津渠漕水掾都水西漢時官名東

漢省志於少府下去都水文學主事掾張納碑即文學守助

掾脩行北海相景君碑即循行金石錄曰後漢書百官志注河南尹官屬有循行一百三十人而晉

書職官志州縣吏皆有循行此碑作脩行豈循脩字畫相

類遂致訛謬邪隸釋曰循脩隸法只爭一畫書碑者好奇

從省借用都氏穆金薤琳瑯曰碑刻于漢而後漢書舊皆

傳錄以脩為循傳錄之誤趙氏不信碑本而信漢書且復

引晉書為證不知晉書脩於唐其亦曰循行蓋仍漢書之

誤案趙氏洪氏從後漢書以循行為正都氏從碑文以脩

行為正未知孰是姑從趙洪小史繁陽令楊君碑北海相景君碑夏

以官即幹小史與志亦合然志但有主記室史而碑文復

有主記掾張納碑蒼頡廟碑又張納碑既有主記掾復有錄事掾

曹全碑亦有錄事掾然不與主記掾並列蒼頡廟碑復有錄事史既有文學主事掾復有

文學史文學主事史鄭季宣碑既有主事書佐復有門下

書佐楊統碑北海相景君碑亦有門下書佐然不與主記

門下記室錄事諸書佐並列繁陽令楊君碑門下佐即

書佐記室書佐錄事書佐既有直事小史復有門下小史

豈志不詳歟抑漢末不能如制歟志又云凡縣諸曹略如

郡員五官為廷掾鄉置有秩三老游徼考漢碑有廷掾祀

公山碑少室開有有秩都鄉正衛彈碑呂國題名有

母廟石闕銘有有秩衡官有秩蓋有秩兼為衡官有

三老武氏石室題字有游徼楊信碑額有游徼同上游徼亦

漢石刊 卷三 五 連筠篔叢書

與志文合然武氏題字有游徼又有門下游徼其為同異

未可知也又郡縣吏有將作掾史掾見華山亭碑祀三公山碑少室石闕銘史見

華山亭碑 帝堯碑守道橋掾漢安長陳君閣道碑 蜀郡造橋碑有南部道橋掾

堯掾將作吏即將作掾似當以四張納碑 武氏題字曹全碑市掾同又鑿市掾靈臺碑都市掾官都即都水掾市即鑿

境分職市教化史蒼頡 廟碑皆不見於志又有行義掾韓勅碑 北海

同仁德掾無極 山碑孝義掾宋恩 題名未知所掌之職抑褒美之稱

今並無文明之又學官屬吏有業掾易掾尚書掾詩掾春

秋掾議掾文學掾文學孝掾學師宋 恩題名並不見於志此則志

文闕也又諸吏皆得稱門下門下掾華山亭碑呂國 題名曹全碑門下

史潘乾碑繁陽令楊君碑鄭季 宣碑費鳳碑陳德碑曹全碑門下議掾史門下書佐門

下小史見前門下祭酒曹全碑 祭酒非 職名蓋一曹之長門下賊曹費鳳碑 蒼頡廟

碑武氏題 字曹全碑門下功曹門下游徼費鳳碑蒼頡廟 碑武氏題字門下督盜

賊北海相 景君碑此則諸吏統稱非別有職掌也掾史之副名屬 亦名副亦名佐

樊毅復華下民租田口算碑掾臣條屬臣淮是名屬也史 晨響孔廟後碑有副掾是名副也少室石闕銘有廟佐即

廟掾之佐開母廟石闕銘有將作掾佐是名佐也後漢書 志云東西曹掾比四百石餘掾比三百石屬比二百石注

引漢書音義正曰掾副曰屬是也注又引漢官員吏中有 佐與此別未即真者名守孔龢碑守文學掾婁壽碑守長

史掾張納碑守屬是也其待次未授職者名從潘乾碑張 納碑蒼頡廟碑從掾位呂國題名從史位益州太守無名

碑從史漢書兒寬傳顏師古注從史者但只隨官僚不主 文書是也蜀郡造橋碑有從吏為掾為史未可知也其稱

從則同亦稱待事張納碑待事掾是也蒼頡廟碑有持事 即待事之譌其一人而居二職者名兼郭子真宅舍殘碑

兼掾史 是也歐趙洪三家於諸員吏未嘗攷訂因為辨析附錄

於此其故民析言之亦有義民

靈臺碑藁長蔡湛碑釋曰占籍者曰故民素非

所泚曰義民案此說非也堂邑令費鳳碑有義民堂邑儀忠忠為所泚而稱義民蓋謂其為行義之民帝堯殘碑有行義民即義民也但素非

復民

韓勅碑漢時凡除田租所泚者亦得統稱義民耳

復民前漢文帝紀復晉陽中都民三歲租後漢光武帝紀建武十九年復南頓田租此復田租也建武五年詔復濟陽二年徭役六年改春陵鄉為章陵縣世世復徭役此復徭役也若田租徭役俱除則但曰復前漢高祖紀十一年令豐人徙關中者皆復終身令士卒從入蜀關中者皆復終身十二年吏入蜀漢定三秦者皆世世復音義曰復謂除其賦役也是也又除口筭亦曰復

賤民

蔡湛碑金石錄曰

議民賤民莫詳其義

又民之無字者以阿挈其名為字與有字者相

配仲東阿東

靈臺碑阿東仲阿先仲阿同

劉奉阿奉劉興阿興

阮

君神祠碑

隸釋曰字其名而繫以阿書石者欲其整齊而強加之猶今閭巷之婦以阿挈其姓也

是也並

附錄

書門生門童弟子不同例

泰山都尉孔宙碑陰門生鉅鹿瘦陶張雲字子平云云門童

安平下博張忠字公直云云弟子北海劇陸暹字孟輔云云

隸釋

集古錄曰親受業者為弟子轉相傳授者為門生隸釋曰

以久次相傳授曰門生未冠曰門童總而稱之亦曰門生

日知錄曰後漢書賈逵傳皆拜逵所造弟子及門生為干

乘王國郎是弟子與門生為二漢人以受學者為弟子其

依附名勢者為門生郵壽傳時大將軍竇憲以外戚之寵

威傾天下憲常使門生齋書詣壽有所請託楊彪傳黃門令王甫使門生於京兆界辜權官財物七千餘萬憲外戚甫奄人也安得有傳授之門生乎又曰南史所稱之門生今之門下人也宋書徐湛之傳門生千餘人皆三吳富人之子資質端妍衣服鮮麗每出入行游塗巷盈滿謝靈運傳奴僮既眾義故門生數百南齊書劉懷珍傳懷珍北州舊姓門附殷積啟上門生千人充宿衛孝武大驚其所執者奔走僕隸之役晉書劉隗傳周嵩嫁女門生斷道斫傷二人建康左尉赴變又被斫南史齊東昏侯紀丹陽尹王志被驅急狼狽步走惟將二門生自隨后妃傳門生王

清與墓工始下插劉瓛傳游詣故人惟一門生持胡牀隨後是也其初至皆入錢爲之宋書顏竣傳多假資禮解爲門生充朝滿野殆將千計梁書顧協傳有門生始來事協知其廉潔不敢厚餉止送錢二千協怒杖之二十南史姚察傳有門生送南布一端花練一疋察厲聲驅出是也故南齊書謝超宗傳云白從王永先又云門生王永先謂之白從以其異於在官之人陳書沈洙傳建康令沈孝軌門生陳三兒牒稱主人翁顏氏家訓亦以門生僮僕並稱而宋書顧琛傳尚書寺門有制八座以下門生隨入者各有差不得雜以人士其冗賤可知矣劉昭傳不私蓄門生蓋

所以矯時人之弊，陔餘叢考曰：漢時門生本非弟子之稱。後漢書楊厚傳：門生上名錄者三千餘人。曰：上名錄則不必親受業，但習其學即是也。鄭康成傳：康成沒，門生相與撰其問答諸弟子之詞，依論語爲鄭志，以弟子問答之詞而門生撰述之。蓋如論語所謂門人受業于弟子者也。李固傳：固下獄，門生王調貫械上書證其枉，及固死，陳屍於路。固弟子郭亮負鉄鑕乞收固屍，曰：門生曰弟子，又可見門生之非弟子也。惟其不必親受業，但爲其學者皆可稱門生。於是依勢趨利者，並不以學問相師而亦稱門生。蓋卽後世拜門生之陋習也。又曰：唐以後始有座主門生

之稱。六朝時所謂門生，則非門弟子也。其時仕宦者許各募部曲，謂之義從。其在門下親侍者，則謂之門生。如今門子之類。宋書王微嘗將門生兩三人入山采藥。南史庾子輿之官巴陵，病篤，不甯入廨，因勒門生不許輒入城市，何敬容罷官後起爲侍中，其舊時賓客門生喧譁如舊。冀其復用，臧嚴爲武寧郡守，以數門生單車入境。北史崔彧精於醫，廣教門生，令多救療。此數者以之移作門弟子，尙可通。至如沈慶之佐孝武起兵，元凶劭使慶之門生錢無忌齎書使之解甲。慶之執以見孝武，薛安都降魏，大見禮重。至於門生無不收敘，慶之安都皆武人，目不知書，若如後

世受業弟子安得有此又謝靈運因祖父之業奴僮既眾
義故門生數百鑿山後湖功役無已則并用之功役矣王
僧達爲吳郡守西臺寺多富沙門僧達遣主簿顧曠率門
義劫寺得數百萬門門生義義從也則並用之劫掠矣劉
義宗坐門生杜德靈放橫打人免官德靈以姿色故義宗
寵之則又取其姿媚矣宋孝武責沈勃周旋門生競受賄
賂少者至萬多者千金則并大收其賄賂矣又徐湛之謀
逆謂范蔚宗曰已報臧質悉攜門生義故前來故應得健
兒數百則并用之叛逆矣合此數事以觀則門生不過如
僮僕之類非受業弟子也其與僮僕稍異者僮僕則在私

家此蓋在官人役與胥史同顧琛傳琛以宗人顧頌寄尚
書張茂度門名而私與頌同席坐乃坐譴蓋可知門生者
正如胥史之類也然富人子弟多有爲之者蓋其時仕宦
皆世族而寒人則無進身之路惟此可以年資得官故不
惜身爲賤役且有出財賄以爲之者陸慧曉爲吏部尚書
王晏典選內外要職多用門生義故慧曉不甚措意王琨
爲吏部自公卿下至士大夫例用兩門生江夏王義恭屬
用二人後復用有所屬琨不許此可以見當日規制也顧
亭林旣謂六朝門生與僮僕同而謂其非在官之人則未
知門生有可入仕之路不得謂非在官人也許君宗寅曰

後漢書桓榮傳顯宗幸太常府令榮坐東南設几杖會榮門生數百人又云每大射耆老禮畢輒引榮及弟子升堂執經一曰門生一曰弟子是門生與弟子無別也又牟長樓望各傳所言門生實卽弟子顧氏趙氏皆不引蓋亦難於置辨也案門生弟子對文則別散文則通史傳所載甚多不備錄

書處士與德行好學不同例

酸棗令劉熊碑陰處士宋口仲博云云好學尹闕云云德行

蘇倉子盈云云

隸釋

處士義見卷一碑陰書處士有二例韓勅造孔廟禮器碑

河南成皋蘇漢明二百其人處士此以處士繫於姓名之下又云處士魯劉靜子著此以處士加於姓名之上又有稱處士友者見元儒先生婁壽碑蓋壽之友也隸釋曰處士之後有好學四十餘人必泮官之後進以處士爲丈人行者其間有德行一人必是嘗貢孝察廉者案後漢書和帝紀注引漢官儀曰建初八年詔書辟士四科一曰德行高妙志節清白是德行一人乃儲以應辟者非嘗貢孝察廉也國語齊語管子曰正月之朝鄉長復事君親問焉曰於子之鄉有居處好學慈孝於父母聰惠質仁發聞於鄉里者有則以告是好學乃人材之目非後進也

書清白士與聘士不同例

高朕石室題名清白士云云娉士云云

隸續 土 卽士字

書清白士與書德行一也後漢辟士四科一曰德行高妙

志節清白前見左雄傳鄉部親民之吏皆用儒生清白任從

政者傳論漢初詔舉賢良方正州郡察孝廉秀才中興以

後復增敦樸有道賢能直言獨行高節質直清白敦厚之

屬是也其以清白待辟見於史者馮緄傳弟允清白蔡邕

傳父稜有清白行呂布傳高順爲人清白周澤傳孫堪清

白貞正樓望傳操節清白李邵傳弟子厯清白有節是也

漢以清白課士亦以清白課吏安帝紀元初六年詔選孝廉郎寬博有謀清白行高者五十人延光元年詔舉刺史

二千石令長相清白愛利有益於人者是也其居官清白見於史者度尚傳交阯刺史張磐以清白稱朱暉傳遷泰山太守因上便宜詔報曰補公家之闕不累清白之素斯善美之士也揚震傳轉涿郡太守性公廉不受私謁子孫常蔬食步行曰使後世稱爲清白吏子孫謝該傳少府孔融上書薦之曰竊見故公車司馬令謝該清白異行此以清白課吏之驗聘士卽徵士義見卷一此聘士當是曾經徵辟而未就者

義士及弟子統名諸生服義例

謁者景君碑陰諸生服義者義士北海劇張敏字公輔弟子

濟北荏平甯尊字伯尊云云

隸釋

金石錄曰漢時墓碑多門生故吏所立往往各紀姓名於碑陰或載所出錢數其非門生故吏而出錢者謂之義士

隸釋曰掾屬曰故吏占籍曰故民非吏非民曰處士素非所莅曰義士金石文字記曰處士者德行可尊之人義士則但出財之人而已今人出財布施皆曰信士宋太宗廟避御名凡義字皆改為信今之信士即漢碑所稱之義士也案今之信士賤民亦得稱之此義士在弟子上又統名諸生當是好義之士與今之濫稱信士有別又義士與義民同義民見前注但一稱士一稱民耳所蒞之民得稱義民見前注義士亦然洪氏謂素非所莅曰義士非也義士為尊稱故諸碑書法與諸生別此統云諸生服義蓋雖未受業必是弟子行也

書分子例

義井碑陰分子云云

隸釋

此非墓碑以類相從故錄於此隸釋曰碑陰稱五大夫者三十一人稱分子者六十八漢承秦制爵二十級其九爵曰五大夫漢末以貴受爵比屋皆然此碑五大夫所以若是之眾也惟分子未詳穀梁曰燕周之分子也注云燕召康公之後分子謂周之別子孫也陸德明音義分本或作介姚氏鼐云分子當是別子古別字作火故傳本或作分或作介皆以古字形近而誤范甯時傳本未誤故注云謂周別子孫也唐以後其文舛失故疏解失之案分子即別子不必改從作火范注明云分子無從知范本為別子漢時諸碑皆作分子豈皆形近之誤耶姚說非景北海碑鴉梟不鳴分子還養蓋用家富子壯

則出分之語謂惡逆之烏鉗喙無聲外爨之息歸奉三牲也耿勳碑脩治狹道分子効力謂正丁巳供差徭分子亦來助役此碑分子似指土豪出分之子三碑皆與穀梁合

分書奔喪持服例

王元賞碑陰載門生姓名云右奔喪右斬杖三年

金石錄

奔喪禮也持服非禮也此因書奔喪而類及之非以持服著爲例也金石錄曰聖人制禮爲可繼也禮曰事師無犯無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服漢人爲王君乃爲斬衰之服於禮無乃

過乎 隸續景北海碑陰行三年服者凡八十七人陔餘

叢考曰荀爽爲司空袁逢所辟有道不應及逢卒爽制服三年桓鸞爲太守向苗所舉孝廉除膠東令始到官而苗卒鸞卽去官奔喪終三年此爲舉主持服者王吉被誅屬吏桓典收斂歸葬服喪三年劉瓚以冤死王允爲瓚吏送喪還其家終三年乃歸此爲長吏持服者後魏書公孫邃爲青州刺史卒佐吏疑所服詔曰主簿近代相承服斬過葬便除可如故事自餘無服殊覺寥寥可齊衰三月則感恩知己私自制服之例且上達朝聽至發詔爲定令矣由叢考之言推之漢末門生故吏持服必是時王之制故景

北海之歿持服至八十七人之多然非周孔所許也又案漢書龔勝傳門人衰經治喪者百數後漢書荀淑傳淑卒李膺時為尙書自表師喪陳寔傳年八十四卒海內赴者三萬餘人制衰麻者以百數延篤傳以師喪棄官奔赴孔昱傳以師喪去官李邵傳門人馮胄制服心喪三年此弟子為師也樂恢傳仕本郡吏太守坐法誅恢奔喪行服恢死弟子縑經輓者數百人傳變傳聞所舉郡將喪乃棄官行服童恢傳聞舉將喪棄官歸此士大夫為舉主也皆叢考所遺

分書某代門生例

高陽令楊著碑陰題名云右後公門生右沛君門生

集古錄

隸釋曰沛君沛相統也後公太尉秉也楊震拜于前故以秉為後沛君者著之從兄後公者著之季父

碑文自標撰文人姓名例

處士囡叔則碑臨沒顧命曰知我者其蔡邕乃為銘載書休

美

蔡中郎集

顧命二字令人宜避見敘 水經注睢水篇漢廣野君廟

碑延熹六年十二月雍邛令董生命縣人萇照為文用章

不朽之德此亦碑文自標撰文人姓名附錄於此廟碑例

不更見

碑文首書撰文人姓名碑末書立碑人姓名又系以詩
詩後又列同立碑人姓名例

堂邑令費鳳碑於是夫人元弟故□□□守卜瘠追而誄之

其辭云云碑末故吏故鄣施業字世堅義民堂邑戚忠忠年

十有一慈考早隕喪云云門生功曹徐侃字元節云云釋隸

碑文渾書撰文人碑陰詳列立碑人末作四言詩敘故

吏持服行喪之事例

北海相景君銘於是故吏諸生乃作誄云云釋隸碑陰故中部

督郵都昌羽忠字定公云云碑陰末豎建□□惟故臣吏慎

終追遠諒闇沈思云云隸續

諒闇二字今人宜避見敘

碑文中敘詔冊例

國三老袁良碑帝御九龍殿引君對覲與酒飯賜飲宴冊曰

云云隸釋

吉成侯州輔碑君懷立聖主有安社稷之勳建和二年七月

己巳詔冊云云同上

碑文中敘贈卹例

太尉劉寬碑天子閔悼惻怛內發手筆為策□涕咨嗟使右

中郎將張良持節臨弔贈車騎將軍印綬位特進賜珍賄襚

有加典禮復使五官中郎將何夔持節諡曰昭烈侯隸釋

碑文中敘哀誄例

陳太邱碑大將軍弔祠錫以嘉謚曰徵士陳君秉嶽瀆之精苞靈曜之純云云太守南陽曹府君命官作誄曰赫矣陳君

命世是生云云

蔡中郎集

碑文但錄詔冊不復撰文例

漢安帝賜豫州刺史馮煥詔告豫州刺史馮煥云云末一行元初六年十二月

隸釋

碑文載詔書常例也此無上下文但錄詔書與袁良諸人碑異此石當亦是立於墓前今人墓石全刊誥贈之文此其權輿

碑末或陰附錄詔冊例

中常侍樊安碑末制詔中常侍樊安云云末書延熹元年八月二十四日丁酉下

古文苑

詔書在元年立碑在三年詔書當入碑文而繫於末例之變

費亭侯曹騰碑陰惟建和元年七月廿二日己巳皇太后曰云云制曰云云

隸釋

隸釋日前一篇就國策書乃梁太后臨朝時後一篇乃褒贈策書

碑末補書先世例

執金吾丞武榮碑文末君即吳郡府卿之中子敦煌長史之次弟也隸釋

碑末附載他人例

綏民校尉熊君碑末故長沙茶陵長文春字季秋質操貞良慈仁汜愛治天官日度風角列宿明知聖術在官脩德民歌遺風春秋七十以道殞遷宗胤不紀故為宣昭故桂陽陰山豫章口長重安侯相杜暉字慈明體質宏亮敦仁好道治易梁邱春秋公羊氏綜覽百家無所不甄典歷三城居官清惠遺愛在民春秋六十終族後闕術故因顯德以示來胤隸釋隸釋曰碑後載文杜二人官壽行事各數十言似是同郡

盛德之士作文者惜其無所記錄故附之左方

有志無銘例

袁滿來墓碑茂德休行曰袁滿來太尉公之孫司徒公之子起乃假碑旌于墓表嗟其傷矣惟以告哀止蔡中郎集

車騎將軍馮緄碑君諱緄字皇卿幽州君之元子也起故刊

石表績以誌來世止隸釋後有數語敘孝桓得諡之由據隸績碑式與碑文不相連蓋碑末附錄

有銘無誌例

王史威長銘明明哲士知存知亾崇隴厚豐非寧非康云云

博物志

京兆尹樊德雲銘於顯哲尹誕德孔彰膺帝休命謂篤不忘

云云蔡中郎集

古人誌銘不必一人作或作誌或作銘故二者不備

誌文接入銘詞不標詞曰銘曰等字例

太尉楊公碑於是門人學徒相與刊石樹碑表勒鴻勳讚懿

德傳億年於戲公惟嶽靈天挺德翼至神云云蔡中郎集

太守胡公碑銘於時陳留主簿高吉蔡軫等咸以郡選充備

官屬乃相與衰經庭位號咷靈柩遂樹碑作銘以表令德於

藐下國瞻仰俊乂欽見我君爰綴我惠云云同上

中郎集又載瑯琊王傅蔡公碑彭城姜伯淮碑貞節先生

范史雲碑元文先生李子材碑議郎胡公夫人哀讚例並

同不備錄

自作誌銘例

杜鄴臨終作文曰魏郡杜鄴立志忠款犬馬未陳奄先草露

骨肉歸于土魂無所不之何必故邛然後卽化長安北郭此

焉宴息西京雜記

趙岐久病勅兄子立石刻曰漢有逸人姓趙名嘉有志無時

命也柰何後漢書本傳

生題石槨例

延年益壽槨題字永初七年四月三十日造焉是萬壽延年

益壽槨續錄

殛題石槨例

景君石槨銘惟元初四年三月丙戌景君卒以五年二月口

口口口

隸釋

咳餘叢考曰唐書鄭欽說傳梁任昉于大同四年七月在鍾山塘中得銘曰龜言土著言水甸服黃鍾啟靈祉瘞在三上庚墮遇七中已六千三百浹辰交二九重三四百圮當時莫有解者戒子孫世世以此訪人昉五世孫寫以問欽說欽說方出使得之于長樂驛行三十里至敷水驛乃悟此塚葬以漢建武四年三月十日圮以梁大同四年七月十二日也解在欽說傳內則漢時銘墓又有此一種蓋

卽莊子所謂石槨銘之類

生壙碑末夾注年歲及其子名爵工師姓名例

梁相孔耽神祠碑末夾行注云子得述父臣得錄君故紀焉

時君年七十二自所立作君子颯作內至

卽室字漢人省筆

時已更

郡諸曹史督郵承詔紀行手自注石治師同縣朱適朱祖并

作畜郭

隸釋

隸釋曰碑末有小字數十敘孔君之年及其子歷官與石

工姓名碑文云定吉兆於天府觀工匠之所營心欣悅於

所處又有子得述父之句則是孔君自作壽藏而厥子刊

石也

自營槨墓始見於禮記檀弓所載宋桓魋事壽藏之名始見於後漢書趙岐傳又稱壽冢見宦者侯覽傳

李賢曰稱壽者取其久遠之意也猶如壽宮壽器之類

墓碑中兼敘他石畫象及雕畫工人例

從事武梁碑孝子仲章季章季立孝孫子僑選擇名石南山之陽擢取妙好色無斑黃前設壇後建祠堂良匠衛改雕文刻畫羅列成行攄騁技巧委蛇有章隸釋隸釋曰此碑長不半尋廣纔尺許既無雕畫技巧亦非羅列成行其辭決不為碑設似是指石室畫象 案壇與壇同但與壇同左氏襄十八年正義云尙書為三壇同壇王肅本壇作坦是也

耐葬穿中石柱題詞例

張賓公妻穿中二柱文一書維兮本造此穿者張偉伯字長仲偉伯伯妻孫陵在此右方曲內中一書維兮張偉伯字長仲以建初二年六月十二日與少子叔元俱下世長子元益為之祖父穿中造內栖柱作崖棺葬父及弟叔元隸釋 穆案 穿皆穿之譌隸釋曰本張賓公之妻之穴其子偉伯及偉伯妻與其孫陵皆耐葬右方曲內中故志之其一則偉伯之孫元益葬其父並弟叔元所志也其云建初二年亦埋銘之椎輪

石室題詞例

孝堂山石室題字泰山高令明永康元年十月廿一日敬來觀記之 平原濕陰邵善君以永建四年四月廿四日來過

此堂叩頭謝賢明

金石萃編

高朕石室太守張景題字光和六年四月太守張景云云又

博士題字

闕

議采夫

闕

以詩書發

闕

京師云云又宏農太守

張君題字故孝廉云云又題名

闕

土成都杜宣字管偉云云

隸續

石室詳下廟碑例注案後人謁前人墓題名石室因記年

月如孝堂山石室題字常例也若高朕石室題字張景之

追遠博士及宏農太守之通經並刻於朕石室中

隸續曰張景題

字在高朕石室梁上中有追念先祖早失覆口孤熒自悲紀刊先象之句相去尺許有少子早碎之文前有治郡二字蓋張君追遠之詞博士題字亦在石室中中以詩書發口京師受業春秋口口仲舒智非胡毋末云道為國師

出典方州忠著金石張君題字亦在石室中其文有著德義方襲父經業春秋尚書海內歸高之句與前一人皆是以經學名家者當是門生故吏恐其無聞刊紀德業此如綏民校尉熊君碑附載文杜二人也在題辭中為變例

石人刊字例

魯王墓石人胸前題字一府門之卒一漢故樂安太守庶君

亭長

金石萃編

牛氏運震金石圖曰魯王墓前東側一石人介而執笏高

五尺腰圍七尺刻曰府門之口一石人冕而拱手立領下

裂文如滴淚痕高五尺五寸腰圍七尺五寸胸列漢故樂

安太守庶君亭口十字兩石人並肩西向翁氏兩漢金石

記曰予得拓本諦審之府門之下是卒字亭下是長字

案廟中亦有石人水經注穀水篇漢廣野君酈倉其廟有

兩石人對倚北石人胸前銘云門亭長附錄於此後不更

見穆案後魏鄭道昭雲峯山中石人胸前題字曰石人名髣髴

石獸刊字例

吉成侯州輔冢石獸一刻辟邪一刻天祿水經注金石錄後漢書注載宗資

墓石獸同見注

水經注滢水篇曰州苞冢有兩石獸人有掘出一獸左膊

上刻作辟邪字金石錄曰吉成侯州輔見後漢書宦者傳

酈道元以輔為苞誤其一辟邪道元所見其一乃天祿字

案漢書西域傳烏弋山離國有桃拔孟康曰桃拔一名符

拔似鹿長尾一角者或為天祿者案此者字衍當在下文兩角下兩角或

為辟邪此言桃拔之一角者或名天鹿桃拔之兩角者或

名辟邪也亦有無角者後漢書章帝紀章和元年月氏國

遣使獻扶拔師子李賢注扶拔似麟無角和帝紀章和二

年安息國遣使獻師子扶拔扶拔即符拔古玉圖譜載辟

邪形有一角二角三角無角者蓋分言之則無角者亦是

符拔不名辟邪名辟邪者二角名天鹿者一角通言之則

一角二角無角皆可名辟邪也圖譜又載天鹿有兩角三

角之異兩角即辟邪而名天鹿博古圖載周辟邪鐘凡六

其第三鐘紐兩辟邪左右像各露一角第五背面像各有二角又車輅托轅凡二一左面一右面各露一角漢辟邪鐘二並露兩角一角即天鹿而名辟邪是天鹿辟邪亦通稱也圖譜所載雖多後人偽作然皆仿古鐘鼎文為之亦自有所本也州輔冢列二石獸而變鹿為祿者鹿與祿古字通且取其吉也隸釋載魏大饗碑云白虎青鹿辟非辟邪之怪獸隸續載李氏鏡銘云白虎辟邪主除道又曰鏡有二獸奮迅挈攫二獸即白虎辟邪也詩騶虞毛傳云騶虞白虎黑文此鏡刻一為騶虞一為桃拔之兩角者也後漢書靈帝紀修玉堂殿鑄天祿蝦蟆李賢注天祿蝦蟆吐

水于平門外事具宦者傳今鄧州南陽縣北有宗資碑旁有兩石獸鑄其膊一曰天祿一曰辟邪據此即天祿辟邪並獸名也漢有天祿閣亦因獸以立名案李說是也水經注沔水中蔡瑁冢前刻石為大鹿狀甚大頭高九尺大鹿疑作天祿一角二角未有明文又汲水篇隧前有師子天祿其制亦同

交阯刺史石羊刻字口阯刺史口君羊隸續

隸續曰土人謂之鄧君冢闕蓋墓道石羊膊上所刻

种氏石虎刻字光和七年四月五日己丑孝子种覽元博所

造同上

案漢人墓前祠廟碑闕石人石獸之制史無明文水經注
 清水篇漢桂陽太守趙越墓冢北有碑碑東又有一碑碑
 北有石柱石牛羊虎又陰溝水篇特進費亭侯曹嵩冢北
 有碑碑北有廟堂廟北有二石闕高一丈六尺闕北有圭
 碑碑陰又刊詔策二碑文同夾碑東西列對兩石馬高八
 尺五寸案此二墓祠廟碑柱石獸皆在冢北其墓當是北
 向趙越冢前有碑碑前石柱石獸曹嵩冢前有碑碑前石
 廟廟前石闕闕前復有碑又俠以二碑二石馬此其異也
 又洧水篇漢宏農太守張伯雅墓塋域四周壘石為垣隅
 阿相降列於綏水之陰庚門表二石闕夾對石獸於闕下

冢前有石廟列植三碑碑側樹兩石人有數石柱及諸石
 獸舊引綏水南入塋域而為池沼沼在丑地皆蟾螭吐水

石隍承溜池之南又建石樓石廟前廟當作樓又翼列諸獸案

此墓西向故冢前石廟廟前碑碑側石人石柱石獸又前

石闕闕下又列石獸其右為石樓樓前又列石獸其水由

南而北縈帶墓域歸墟於丑洵佳城也又睢水篇漢太尉

橋元墓冢東有廟冢列數碑廟南列二石柱柱東有二石

羊羊北有二石虎廟前東北有二石駝駝西北有二石馬

又滢水篇漢安邑長尹儉墓東冢西有石廟廟前有兩石

闕闕東有碑闕南有二獅子相對南有石碣二枚石柱西

南有兩石羊案此二墓皆南向橋元冢前碑冢東廟廟前
 石柱柱左迤北至廟左皆列石獸尹儉墓塚對文墓者其
 葬處冢者封土為壇詳後墳壇石例廟在二者之間廟南石闕闕
 南獅子石碣闕東有碑卽在冢前乃壇碑也西南石羊卽
 在墓前此其異也又案瓠子水篇仲山甫冢西有石廟羊
 虎傾低破碎略盡豈此制已仿於周而漢人增飾之與

記冢地例

真道冢地碑欲負冢土勿取冢地中法取東吉利慎勿取西
 北土也云云延熹五年七月中旬真道字直中以錢八千從
 有親真敖字政直直弟政升升二從弟漢中市冢地廣廿二

丈云云子孫但得宿山居留不得爭舍地云云後冢東行廣
 五丈北行不得作冢可示後世冢前也後世作冢從此冢後
 併墳北行門出西口地也隸續

爾雅釋親族舅弟之子相謂為親同姓此云有親親同姓
 也併墳之併與竝同顏師古漢書武帝紀注竝讀曰傍傍
 依也音步浪反史記秦始皇紀竝陰山竝渤海竝河竝卽傍蕭君令裕日紹興


漢大吉碑云兄弟六人共買山地建初元年造此冢地直
 三萬錢此亦記冢地也碑首書大吉二字附錄於此不更
 為例

冢地書向例

郎中馬江碑故瑩迫芒地告斯士先君之庚地

隸釋 士 卽土字

梁氏玉繩誌銘廣例云堪輿家羅經之術見於文中漢以來有之矣



漢石例卷三

漢石例卷四

寶應劉寶楠錄

廟碑例

碑額稱廟例

太尉橋公廟碑

蔡中郎集

西嶽華山廟碑

隸釋

鄭氏祭法注廟之言貌也劉熙釋名廟貌也先祖形貌所

在也 案碑額稱廟常例也然隸釋載堯廟碑篆額作帝

堯碑老子廟碑篆額作老子銘

廟碑亦稱銘

並非正例因附錄

焉

碑額稱神祠例

漢故行梁相事陽孔君之神祠

金石錄

殺阬君神祠之碑銘

隸釋

周禮大宗伯以祠春享先王司尊彝亦曰春祠爾雅春祭

曰祠詩天係毛傳本之正義引孫炎爾雅注云祠之言會

說文祠品物少多文辭也仲春之月祠不用犧牲用圭璧

及皮幣呂覽禮記作祀不用犧牲淮南作祭不用犧牲是

祠本祭祀之名後人即以所祠之廟名祠史記封禪書自

禹興而修社祀后稷稼穡故有稷祠案祀稷以壇不以廟

則稷祠據漢時言非三代時有稷祠也封禪書又曰自古

以雍州積高神明之隩故立時郊上帝諸神祠皆聚云神

祠二字始見於此則秦文公時也封禪書又稱文公作鄜

祠德公作伏祠單言祠始此

兩漢書多單言祠陔餘叢考曰漢書朱邑先為桐鄉令臨

死遺令葬之於桐桐人果為立祠後漢書周嘉為零陵守卒吏民為立祠王煥為洛陽令卒民立祠於安陽亭西祭

彤在遼東既歿吏民為立祠此死後立祠者史記石慶為齊相齊人為立祠相祠後漢任延為九真太守吏民為立

祠此生而立祠者案叢考所引證外後漢書鄧禹傳家祠此生而立祠侯霸傳臨淮吏人其為立祠荀淑傳二縣皆

家為訓立祠許荆傳桂陽人為立廟樹碑方術許楊傳太守鄧為立祠許荆傳高獲傳石城人共為立祠王喬傳百姓乃為

晨為楊起廟高獲傳石城人共為立祠王喬傳百姓乃為立廟號葉君祠西南邛都夷列傳越嵩太守張翁得夷人

和詔立祠堂此皆死後立祠者李憲傳瀟山人共生為陳眾立祠韋彪傳廣都為義生立廟王堂傳吏民生亦或單

言神隸釋張公神碑是也然不可為例

碑額稱祠堂例

郡掾史張元祠堂碑

蔡中郎集

咳餘叢考曰今世士大夫家廟皆曰祠堂案三代無祠堂之名東坡逍遙臺詩自注云莊子祠堂在開元此或後人因其葬處爲之非漆園時制然王逸序天問云屈原見楚先王之廟及公卿祠堂畫天地山川神靈奇詭之狀因書壁而呵問之則戰國末已有祠堂矣漢書張安世及霍光傳將作穿復土起冢爲祠堂其時祠堂多在墓地故司馬溫公謂漢世公卿貴人多建祠堂於墓所在都邑則鮮如成都立諸葛祠堂蓋一二而已光武紀建武十七年冬幸章陵悉爲舂陵宗室起祠堂因謁陵而起祠堂則亦或在

墓也後漢書越嶲太守張翕在郡十七年得夷人和旣卒夷人愛慕送其喪歸詔書嘉美爲立祠堂又清河王慶欲爲母宋貴人作祠堂不敢上言常以爲沒齒之恨魏略明帝東征過賈逵祠詔埽除祠堂有穿漏者補治之北史崔士謙傳士謙爲荊州刺史及卒闔境痛惜之立祠堂四時祭享周書司馬裔卒家室卑陋喪廷無所乃詔爲起祠堂此則不在墓所尙沿祠堂之名唐以後士大夫各立家廟祠堂名遂廢近世祠堂之稱起於元元史仁宗建阿木祠堂英宗建木華黎祠堂朝廷所建亦以爲名則士大夫私

廟可知矣

錢氏大昕錢氏祠堂記祠本宗廟之祭秦漢以降神祇羣祀通稱焉故祠於壇謂之祠壇祠於

城謂之祠城祠於堂謂之祠堂典祠之官曰祠官太常有祠曹其儀式則曰祠令祠者祭之名而非祭之所漢志所稱某縣有某祠者謂祠其神於此地非指其室而言洪氏隸釋載穀阮君神祠碑孔君神祠兩碑亦是此例後人習焉不察直以祠為祀神之所矣

案漢人祠堂本在墓上武梁碑前設壇

後建祠堂是也叢考所引證外漢書龔勝傳勿隨俗動吾豕種柏作祠堂後漢書馬援傳援夫人卒乃更修封樹起

祠堂桓榮傳負土成墳為立祠堂張輔傳顯節陵埽地露

祭欲率天下曰儉其無起祠堂王符潛夫論浮侈篇今京

師貴戚郡縣豪家生不極養死乃崇喪造起大冢廣種松

柏廬舍祠堂務崇華侈此皆祠堂在墓上之證也亦稱堂祠隸續

司徒掾梁休碑立堂祠是也亦稱祠廟後漢書宗室四王傳安城孝侯賜帝為營冢堂起祠廟是也亦稱祠室漢書

張禹傳自治冢塋起祠堂後漢書清河孝王傳謂宋衍曰猶當應有祠堂是也亦單稱祠漢書朱邑傳起冢立祠是也

案此則祠堂與神祠有別故別著為例其實不必墓次

凡祠亦得稱祠堂叢考所引證外漢書文翁傳吏民為立

祠堂是也漢人墓有廟又有石室石室與廟別當是廟

中之寢在廟北廟一名祠堂一名石廟石室一名祠一名

石祠水經注河水四司馬子長墓前有廟永嘉四年漢陽

太守殷濟大其功德遂建石室又泚水篇漢日南太守胡

著廟北有石室是石室與廟別也濟水二漢荊州刺史李

剛墓有祠堂石室祠堂與石室對文是廟名祠堂也又引

戴延之西征記漢司隸校尉魯恭冢前有石祠石廟又漢

扶溝侯朱鮪墓北有石廟又汲水篇漢司徒盛允墓有石廟
 滙水篇漢安邑長尹儉墓有石廟是石室名石祠廟名
 石廟也又汲水篇睢陽城東有石室刊云漢鴻臚橋仁祠
 是石室名祠也據此知漢人祠廟多在墓上然非墓上而
 立祠廟亦得名祠廟故不入墓碑例中特石廟石室石祠
 之名則專指墓上祠廟言耳

碑額載郡邑名字例

故宛令益州刺史南郡襄陽李口字孟初神祠之碑

金石萃編

碑額書爵書姓常例也此並載郡邑名字例之變也碑額
 有單稱邑名者漢故行梁相事碭孔君之神祠是也

見以前

此例之文不備也

嶽廟石闕題詞例

嵩山太室神道石闕銘惟中□□嵩高神君云云元初五年

四月陽城□長左馮翊萬年呂常始造作此石闕

後列職官姓名字多

漫滅不可識 金石文字記 又載少室神道石闕銘文多闕

古文苑載西嶽華山堂闕碑銘云於是鎮遠將軍領北地

太守閭鄉亭侯段君諱煨字忠明修飾享廟禮廢而復興

又造祠堂表以參闕建神路之端首觀壯麗乎孔徹文雖

及建闕其實則祀廟碑文故不入例

神廟石闕題詞例

開母廟石闕銘□□□開母廟□□神道闕時太守□□朱
寵丞零陵泉陵薛政云云以上題名□□□□□□百川云云延

光二年以上銘文重日□□□□□□德祥溢而溥優云云以上後銘

文金石文字記

金石文字記曰漢避景帝諱改啟曰開金石圖曰銘文四

言重日以下六言儷如賦語又有四言銘為季度作所謂

季度銘也

廟門題額例

膠東令王君廟門斷碑額漢故膠東令王君之廟門隸續

廟門書先世官系及政績例

膠東令王君廟門斷碑二其一自王氏之先云云其一□念

鼎足爰建時雖云云隸續

隸續曰上段是敘事之文下段是四字韻語必是二石毀

闕好事者匝而一之

碑敘首書修廟年月日及修廟人爵里姓名字例

禹廟碑光和二年十二月丙子朔十九日甲午皮氏長南陽

章陵劉尋孝嗣丞安定烏氏樊璋元孫金石錄

漢書百官公卿表下宏農太守沛范方渠中翁為執金吾

師古曰沛人姓范名方渠字中翁又光祿大夫河東暴勝

之公子為御史大夫師古曰公子亦勝之字後皆類此案

此則紀載之文先書爵里次姓名字定例也如有興建兼詳其年月日禹廟碑是也其有但書修廟年月日及修廟

人爵里姓不詳書名字者桐柏廟碑碑云延熹六年正月乙酉南陽太守中山

盧奴口君集古錄引此但書年月日者樊毅修華嶽廟碑云奴下闕字當是其姓

碑碑云惟光初元年歲在戊午名曰咸池季冬己巳魯相史晨祠孔廟奏銘碑云

二年三月癸卯朔七日己酉以上並見集古錄但書年月者東海相桓君海廟

碑碑云惟永壽元年春正月益州太守高朕修周公禮殿記碑云漢初

平五年倉龍甲戌隸釋韓勅修孔廟後碑碑云皇漢帝元永壽三年青龍建酉孟秋

之旬同文有詳略無義例也

碑敘首書謁廟人爵里姓名字及年月日例

魯相晨謁孔子冢文魯相河南史君諱晨字伯時從越騎校

尉拜以建寧元年四月十一日戊子到官金石錄隸釋作史晨饗孔廟後碑

碑敘首書修廟祭廟人爵里姓名字碑末書助修廟人

世系德業並繫以吉語例

濟陰太守孟郁修堯廟碑濟陰太守河南偃師孟府君諱郁

字敬達聞帝堯陵在成陽遣戶曹掾史具中牢祠常以甲子

日與西宮樂生俱詣大聖云云知聖堯精靈與天通神修治

口鑿地致蟠湖石闕二坐云云時令河南河南呂君諱亮字

元山丞河內州王諱萇字伯盛左尉潁川潁陽口諱愷字世

高因孟府君飭治大鑿自率掾史口口駐駕便坐孟府君必

受大聖嘉福公侯傳子孫呂君諸璧干祿于天令裕衍蔓永
 流無窮碑末惟序仲氏祖統所出本繼於姬周之遺苗天生
 仲山甫翼佐中興宣平功遂受封於齊周道衰微失爵亾邦
 後嗣乖散因氏仲焉子孫承緒履仁好義耽樂道術誨人不
 倦海內稱之曰鴻術之宗天鑒孔明祚善應□印紱相承銀
 艾不絕孟府君繕飭壁牆立百石舍仲氏宗家共作大壁前
 石礪階陞欄楯仲氏宗家並受福賜復刊碑勒謀昭示來世
 俵著孟府君美勳於陽財紀祖廕所出□□□□官位宦學
 皆不可測子子孫孫必蒙大聖休烈之福以勸後進昌熾無

極
隸釋

仲氏宗家爵名字不見於碑蓋多不勝載隸續有碑陰必
 是仲氏題名惜存其目而闕其文 案廟碑繫以吉語漢
 人文多如此史晨饗孔廟後碑於穆肅雍上下蒙福長享
 利貞與天無極西嶽華山廟碑邊攘凶札犁斂吉祥歲其
 有年民說無疆楚相孫叔敖碑縣興士熾孫氏蒙恩三公
 山碑長履景福子子孫孫白石神君碑子子孫孫永永番
 昌此類甚多不能備錄蓋岡陵山阜耆艾壽康雅頌所陳
 義關頌禱不必以諛辭斥之也若成陽靈臺碑末仲訢伯
 海從右中郎將遷鉅鹿太守仲球伯儀從太尉掾遷呂長
 仲選孟高辟司徒府遷從不絕皆興治大聖黃屋之力則

詞義俱鄙而故民吳仲山碑末焉焉矣矣子孫萬歲子爲父墓立碑而繫以吉語文之不經莫大於此此漢人之謬也

碑文詳書脩廟人立廟碑人爵里姓名字例

樊毅脩華嶽廟碑有漢元舅五侯之胄謝陽之孫曰樊府君諱毅字仲德命守斯邦云云特部行事荀斑與縣令先謙以漸補治設中外館云云於是功曹郭敏主簿魏襲戶曹史許禮等遂刊元石銘勒鴻勛云云

隸釋荀斑以下不書字者略之古文苑斑作班

有詳書脩廟人爵里姓名字渾書立碑人者濟陰太守孟郁脩堯廟碑前見詳書脩廟人爵里姓不及名字者益州太

守高朕脩周公禮殿記

碑云故府梓潼文君增造吏寺三百餘間云云郡將陳留高君節符

典境云云隸釋案文君謂建武中益州太守文參高君即朕其不書名字者並以其近而尊之亦以人所易曉也不別爲例

碑中書脩廟人爵里姓不書名字碑末補書名字及子弟名字同脩人名字例

韓勅脩孔廟後碑魯相河南京韓君云云碑末府君諱勅字叔節□郎□□字仲則弟□字子臺東海□敬謙字季松河東臨汾人□□□字子睢漢中南鄭人長史李亮字威明

河南人故少府卿任城樊府君諱豹字伯尹云云

隸釋

隸釋曰樊豹書法獨與眾異當是魯之前相也

碑中書立廟人爵姓名同立廟人爵里姓名碑末又詳載同立廟人爵里姓名字例

成陽靈臺碑於是故廷尉仲定圖立規塋興業會工前設大壑俟神之堂云云時濟陰太守魏郡審晃成陽令博陵管遵各遣大掾輔助仲君經之營之云云碑末濟陰太守魏郡陰安審君諱晃字元讓從公車令來成陽令博陵蠡吾管君諱遵字君臺從東明門司馬來丞潁川新汲尹茂字伯舉遷下邳尉尉潁川襄城楊調字君舉云云

隸釋

碑中書脩廟立碑人爵里姓名字碑陰書同脩廟立碑人爵里姓名字例

仙人唐公房碑漢中太守南陽郭君諱芝字公載繕廣斯廟刻石昭音碑陰故江陽守長成固楊晏字平仲東部督鄧成

固左介字元術云云

隸釋

有碑中書脩廟人爵里姓名字碑末書同脩人爵里姓名字不及立碑人者西嶽華山亭碑

碑云宏農太守河南河南樊君諱毅字仲德與

令巴郡胸忍先謙公謀圖議繕碑末府丞勃海劉固叔長功曹史楊儒曼先云云

隸釋碑中書脩廟

人爵里姓碑末書立碑人爵里姓名者祀三公山碑

碑云初

四年常山相隴西馮君到官云云起堂立壇雙闕夾門薦牲納醴以寧其神云云碑末長史魯國顏口五官掾閻祐云云刊石紀焉金石萃編翁氏方綱兩漢金石記曰此與隸釋所載光和四年三公山碑不同碑首初字之上隱隱尚露其半諦視是元字乃安帝元初四年案納醴碑文作禮顏下是浮字當據改補

碑中書立

碑人爵姓名碑末書同立碑人爵里姓字碑中書立碑人

爵里姓名字碑末書同立碑人爵里姓名字並不及修廟人

者張公神碑碑云朝歌長鄭彬豎碑廟堂之前碑末監犁陽營謁者豫章南昌李朝伯云云 隸釋

三公山碑碑云元氏上郡白土樊瑋字子儀立銘勒石碑末中長史甘陵甘陵夏方字伯陽云云 同上

案張公神三公山二碑其書同立碑人較詳於鄭彬樊瑋蓋彬瑋自卑而尊人故李朝伯不書名而夏方並詳其職與字也又碑文元氏下有左尉二字 不別為例

子儀作子義長史上是時字當據改補

碑中書立廟立碑人爵里姓名字碑末書立碑年月日

碑陰又詳書立碑人及年月日例

楚相孫叔敖碑固始令段君就其故祠為架廟屋立石銘碑

云云段君諱光字世賢魏郡鄴人碑末漢延熹三年五月廿

八日立碑陰延熹三年歲在□□中夏之節政在封表期思

長光視事一紀云云五月辛卯宜以存廢可立碑祀云云時

丞左馮翊姓如諱武尉京兆周陵詳集共造戶曹掾裒騰令

史許松隸釋

段君於碑陰將條列孫相後人昭穆爵里因復敘年月為

發端非與前文相複也

碑中書立廟人碑末書祭廟人例

桐柏廟碑南陽太守中山盧奴張君立廟桐柏春秋宗奉云

云碑末春侍祠官屬五官掾章陵劉訢云云秋五官掾新野

梁懿云云古文苑 隸釋奪太守二字屬字刘張字野字

侍祠官屬猶言助祭人也漢書孝景紀丞相嘉等奏曰諸侯王列侯使者侍祠天子所獻祖宗之廟張晏曰王及列侯歲時遣使詣京師侍祠助祭師古曰張說是也

碑中書立壇刊碑人年月爵里姓名碑末書前致祭人爵里姓名今監立碑致祭人年月爵里姓名及同鑒立碑人例

帝堯碑熹平四年冬十二月濟陰太守河南張寵丞潁川李政成陽令陳國鄭真云云乃共立壇壇刊碑紀石碑末故濟陰太守劉邵字季承漁陽泉州人也出奉當是錢字萬為祠醜遷中大夫後太守河南張寵出錢二千敬致禮祠臨立壇碑

熹平四年十二月十日癸卯立時將作吏胡能守堯掾謂守堯廟

仇伯云云錄釋

碑中書祀廟人姓名碑末又稱頌祀廟人碑陰載出錢立碑人姓名碑側又詳載立碑人例

蒼頡廟碑闕劉君諱口云云碑末劉府君大漢枝族應期作

弼云云碑陰闕故督盜賊闕云云碑右側衙令朔方臨戎孫

羨云云延熹四年九月乙酉詔書遷衙令五年正月到官奉

見劉明府立祠刊石表章大聖之遺靈以示來世之末生謹

出錢千百口者下行自紀姓名衙守丞臨晉張疇字元德云

云碑左側議曹史蓮勺楊口云云金石萃編

吳氏玉搢金石存曰此碑頌乃衙令孫羨奉劉明府之令
 爲之而碑陰兩側則備記孫令出仕始末及其掾屬所出
 錢數翁氏方綱兩漢金石記曰孫羨奉教於劉明府而立
 此石劉蓋治左馮翊也

碑中書制器人爵里姓碑末補書名字及出錢人爵里
 姓名字碑陰又廣載出錢人爵里姓名字例

魯相韓勅造孔廟禮器碑魯相河南京韓君云云碑末韓明
 府名勅字叔節潁川長社王元君真云云王元以下凡八人碑陰曲

成侯王曷云云凡六十二人隸釋

王元不稱其職而列碑末曲成侯位尊而列碑陰此蓋以

出錢先後書之不以貴賤也

前官脩廟後官立碑詳書脩廟立碑年月及前後官爵
 里姓例

東海廟碑惟永壽元年春正月有漢東海相南陽桓君闕云

云乃部掾何俊左榮闕殿作兩傳起三樓經構旣立事業畢

成俊等鑄石欲闕榮非仁也故遂闕而不著云云熹平元年

夏四月東海相山陽滿君□□□□初胸令闕云云惜勛績

不著後世無聞遂作頌云云隸釋

隸釋曰永壽元年南陽君崇飾殿宇起三樓作兩傳其掾
 屬何俊左榮欲爲鑄石而南陽君止之厥後山陽滿君踵

其武嘉歎勛績為作碑頌

前官立碑未成後官成之詳書立碑前後年月日及前

後官爵里姓名字例

西嶽華山廟碑延熹四年七月甲子宏農太守安國亭侯汝

南袁逢銘勒斯石去去碑末袁府君肅恭明神易碑飾闕會

遷京兆尹孫府君到欽若嘉業遵而成之延熹八年四月廿

九日甲子就袁府君諱逢字周陽汝南女陽人孫府君諱璆

字山陵安平信都人時令朱頡字宣得甘陵鄆人丞張舅字

少游河南京人云云隸釋

碑文全錄狀牒末用讚銘載立碑人爵里姓名字及立

吏舍人例

孔廟置守廟百石孔龡碑司徒臣雄

吳雄字季高

司空臣戒

趙戒字意

伯稽首言云云

此三公奏狀

元嘉三年三月丙子朔廿七日壬寅

司徒雄司空戒下魯相承書從事下當用者云云

此朝廷牒郡國

永

興元年六月甲辰朔十八日辛酉魯相平行長史事卞守長

檀叩頭死罪敢言之司徒司空府云云

此郡國上狀於朝

讚曰巍巍

大聖赫赫靡章

讚僅二句

相謂魯

乙瑛字少卿平原高唐人令鮑

疊字文公上黨屯留人云云乙君察舉守宅除吏孔子十九

世孫麟廉請置百石卒史一人鮑君造作百石吏舍功垂無

窮云云

隸釋

漢石列 卷四 靈石楊氏葉

守長檀言試守邑長其人名檀未即真也漢碑試用之官
皆曰守仙人唐公房碑陰褒中守尉江陽守長桂陽太守
周憬碑陰汝陽守長酸棗令劉熊碑外黃守令雍邱守令
守東昏長外黃守尉元儒先生婁壽碑守長史掾守葉令
公乘伯喬題名曹守長皆試用未即真者也徵諸史漢其
證甚多不可枚舉

碑文全錄狀牒末用讚銘載立碑人爵里姓名字及立
碑年月日與工師姓名例

無極山碑光和四年□月辛卯廿二日壬子太常臣耽丞敏
頓首上尚書云云末云臣耽愚戇頓首頓首上尚書制曰可

大尚承書从事闕月十七日丁丑尚書令忠奏雒陽宮光和

四年八月辛酉朔十七日丁丑尚書令忠下光和四年八月
辛酉朔十七日丁丑太常耽丞敏下常山相闕从事下承闕

用者如詔書書到言昔在禮莢云云乃立碑銘德云云常山
相南陽冠軍馮巡字季祖云云光和四年十月十三日□□

石師□□造隸釋

隸釋曰男子蓋高范遷請於太常乞官給珪璧四時祠具
詔從之吏民更造廟宇而立此碑蔡質漢官典儀曰司隸
城門校尉上尚書言頓首上下言誠皇恐頓首上謁者上
尚書頓首死罪上下言誠皇恐頓首死罪上今史晨樊毅

漢石列 卷四 連筠籒叢書

兩碑皆用謁者式與蔡說合此碑再稱頓首太常稱臣而
丞不稱案丞不稱臣者統上臣字而省莫詳其制 案後漢書胡廣傳注

引漢雜事曰凡羣臣之書通於天子者四品一曰章二曰

奏三曰表四曰駁議章者需頭稱稽首上以聞謝恩陳事

詣闕通者也奏者亦需頭其京師官但言稽首言下稽首

以聞其中有所請若罪法劾案公府送御史臺卿校送謁

者臺也表者不需頭上言臣某言下言誠惶誠恐頓首頓

首死罪死罪左方下附曰某官臣甲乙上案此碑首言頓

首上即章之稱稽首上也末言頓首頓首即表之下言頓

首頓首也蓋兼用章表式脩建陂塘亦錄狀牒水經注汝水篇云側陂南有青陂廟廟前

有陂漢靈帝建寧三年新蔡長河南緱氏李言上請脩復青陂司徒臣訓尚書臣龔奏可洛陽宮于青陂東塘南樹碑

又案上二例大同小異若魯相史晨祠孔廟奏銘則全

錄奏狀末用銘詞不載立碑姓名碑云魯相臣晨長史臣謙頓首死罪上尚書云

云碑末昔在仲尼汁光之精云云 隸釋載此碑曰孔龢碑中吳雄奏章則云奏洛陽宮此亦奏牘乃云上尚書者

郡國異於朝廷不敢直達帝所因尚書以聞也樊毅復華下民

租田口筭碑則全錄奏狀末不用銘詞亦不載立碑姓名

碑云光和二年十二月庚午朔十三日壬午宏農太守臣毅頓首死罪上尚書云云碑末宏農太守上祠西嶽乞縣

賦發差復華下十里以內 民租田口筭狀 隸釋 撰文者各有詳略故也

碑文敘子孫官爵及立廟立碑之由例

郡掾史張元祠堂碑掾孫翻出宰相邑遷太守得大夫之祿

奉烝嘗之祀乃於是立祠堂假碑勒銘

蔡中郎集

碑文末補書名字總書歷官及卒葬年月日例

太尉橋公碑公諱元字公祖少辟孝廉辟司徒大將軍府為

侍御史牧一州典五郡出將邊營入掌機密歷三卿同三司

享年七十五光和七年夏五月甲寅以太中大夫薨于京師

九月乙酉葬於某所

蔡中郎集

碑陰詳列世次例

楚相孫叔敖碑陰相君有三嗣長子即封會邑固始少子在

江陵中子居三□云云相君卒後十有餘世有渤海太守云

云金石錄案
全文載隸釋

金石錄曰孫叔敖碑陰敘子孫名字甚詳隸釋曰段光以

其雲來長幼之序仕學生產之實刻于碑陰雖自譜其家

者亦不如是之詳

隸釋又載安平相孫根碑陰載根子孫名甚眾而訂為吳晉間書故不錄

案

墓碑亦有此例水經注洛水篇又東北逕三王陵三王或

言周景王悼王定王也今陵東有石碑錄赧王以上世王

名號考之碑記周墓明矣附錄於此

碑陰條列價直例

任君殘碑陰云云直千二百云云直九百

隸續

隸續曰蓋是記繕脩所費豈任君有祠而邦人尊事之乎

案道路碑亦書價直郟縣二碑是也

隸續載建平郟縣碑云長廿五丈賈二萬

連筠籟叢書

五千陶氏宗儀古刻叢鈔載鄆縣磨厓碑云攻此石省三處閣直錢萬二千

雜例不更見

碑陰分書治黃屋作碑出錢人爵姓名字例

成陽靈臺碑陰司徒掾仲選孟高出錢云云

凡二十八人仲氏二十六人異

姓二人右仲氏門宗前所會計治黃屋出錢名司徒掾仲選孟

高出錢云云

凡十五人仲氏十人異姓二人

右仲氏宗門所會計立作石

碑誦出錢名

隸釋

德政碑例

額稱循吏例

漢循吏故聞熹長韓仁銘

金石萃編

金石圖曰此移下河南尹之令牒以上表下宜稱名故曰

韓仁又銘者論譔其德善而明著之者也刊石以名仁之美斯銘稱焉雖其文辭不叶于聲詩固無害其為銘也

額兼二職例

漢故穀城長蕩陰令張君表頌

金石萃編

此張遷碑也功德碑皆所莅之吏民立故額祇載其所莅之官不兼敘其前後官也此額兼二職與常例異

稱功德敘例

巴郡太守張君碑其前題巴郡太守都亭侯張府君功德敘

金石錄

金石錄曰碑無卒葬年月其後頗敘述政績而繫以銘詩

蓋德政碑爾 案此碑無額而自標題其首行已見墓碑
例不稱碑銘而稱功德敘者釋名敘抒也抒泄其實宣見
之也

稱功勳銘例

桂陽太守周憬功勳銘

隸釋 金石錄作漢桂陽太守周府君頌然不明言其額所書如何今從

隸釋

稱清德頌例

柘令許君清德頌

水經注陰溝水篇

德政碑稱頌常例也後漢書馬援傳棧遷廣陵太守吏民
刻石頌之何敞傳遷汝南太守吏人共刻石頌敞功德是

也

生稱諱例

溧陽長潘乾校官碑潘君諱乾字元卓

隸釋

邵陽令曹全碑君諱全字景完

金石文

案生而稱諱此二碑外有推尊其舉主而稱之者三公山

碑

碑末云舉將南陽冠軍君姓馮諱巡字季祖

有推尊其祭廟修廟守令而

稱之者樊毅修華嶽廟碑

碑云宏農太守河南樊君韓毅字仲德

隸釋 隸釋又載華

山亭

濟陰太守孟郁修堯廟碑

碑云濟陰太守河南孟府君諱郁字敬達

文又載府內百石及丞尉皆稱諱不備錄

成陽靈臺碑

碑云濟陰太守魏郡陰安審君諱晃字元讓成

陽令博陵蠡吾菅君諱遵字君臺

史晨饗孔廟後碑

碑云相河南史君諱晨字伯時 西嶽

靈石楊氏葉

華山廟碑

碑云袁府君諱逢字周陽孫府君諱璆字山陵

仙人唐公房碑

碑云漢中太守

南陽郭君諱芝字公載

楚相孫叔敖碑

碑云時丞左馮翊姓如諱武以上並見隸釋

有推

尊其立碑人而稱之者都鄉孝子嚴舉碑

碑陰云向主吏諱旻字孝聖

下諸主吏及督郵候掾並同隸續

金石錄曰春秋左氏傳周人以諱事神

名終將諱之禮卒哭乃諱鄭氏謂敬鬼神之名也諱避也

生者不相避名衛侯名惡大夫有石惡君臣同名春秋不

非又漢宣帝元康二年詔曰聞古天子之名難知而易諱

也今上書觸諱以犯罪者朕甚憐之其更諱詢蓋卒哭而

諱其名實始於周而生死皆稱諱西漢已如此然則生曰

名死曰諱又出於近世也日知錄曰蜀志劉豹等上言聖

諱豫觀許靖等上言名諱昭著晉書高頴言范伯孫名諱

未嘗經於官曹束皙勸農賦條牒所領注列名諱王褒洞

簫賦幸得謚為洞簫兮李善注謚者號也號而曰謚猶之

名而曰諱者矣又案潘乾為溧陽長而碑稱校官者兼

學校之職也水經注沔水下云陰縣東有縣令濟南劉熹

字德恬魏時宰縣雅好博古學教立碑載生徒百有餘人

此亦潘乾碑之類也隸釋曰學師宋恩等題名稱師者二

十人易師三人尚書師三人文學師四人

碑文多闕隸釋據其文之尚存

者漢永平中嘗為四姓小侯立學置五經師此則蜀郡諸

生也然則此所云師猶今授讀之師非學官也

漢石例

生稱謫例

溧陽長潘乾校官碑誄曰溧陽長潘君云云

釋隸

翁氏方綱兩漢金石記曰碑以前半敘事之文目曰誄而以後半有韻之文目曰敘亦變例也錢氏大昕潛研堂金石文跋尾曰釋名誄累也累列其事而稱之也廣韻誄壘也壘述前人之功德也誄本為哀死而作今縣民頌其長而稱誄雖亦累德之詞然失其義矣武氏億授堂金石跋曰周禮大祝作六詞以通上下親疏遠近六曰誄注誄謂積累生時德行以錫之命主為其詞也疏此六詞者皆為生人作詞無為死者之事是誄之名施于死生而通之殆

如考妣嬪可兼生稱也論語誄曰禱爾于上下神祇孔氏注云誄禱篇名說文引此作謫亦云累功德以求福從言累省聲推之此碑吏民頌其生君於義固無嫌哉段氏玉裁說文解字注曰謫施於生者以求福誄施於死者以作謚論語之誄曰字當從囀毛傳曰喪紀能誄字當從未周禮六辭鄭司農注二字已不分矣案說文謫禱也誄謚也謫施於生者誄施於死者二字義別論語之字當作謫而今論語作誄者誄謫音並相近蓋假借也此碑作誄亦是假借錢氏以為失其義恐非

碑中書立碑年月立碑人爵里姓名字碑陰又詳載立

碑人爵里姓名字及工師里姓名字例

桂陽太守周憬功勳銘於是熹平三年歲在攝提仲冬之月
曲紅長零陵重安區祉字景賢遵承典憲宣揚德訓乃與邑
子故吏龔臺郭蒼龔維等命工擊石建碑于瀧上勒銘公功
云云碑陰故曲紅長零陵重安區祉字景賢云云工師南陽
宛王遷字子彊

隸釋

碑中書立碑人姓名碑陰又詳列立碑姓名其碑中所

書立碑人惟一人重書餘不重書碑陰末書年月日又

繫以吉語例

巴郡太守張納碑故太尉掾王□□□府丞李元掾史張勤

黎景馮經趙中毋俊蒲勝猶潭等庶慕奚斯□□之義共論
敘紀著休烈刊□□頌云云碑陰益州從事宕渠李元字次
公云云碑陰末中平五年三月上旬書君升台祚承天百福

子孫千億

隸釋

隸釋曰此碑乃掾屬李元等爲之碑陰各書曹掾之職而
不稱故吏則是張君在郡之日所立 案碑文中立石人
惟李元再見於碑陰餘不重見豈此碑之立李元倡之抑
出錢獨多耶

碑中詳書先世名爵功烈碑末書年月日及立碑人姓名
名繫以吉語碑陰又詳載立碑人姓名例

郟陽令曹全碑其先蓋周之胄武王秉乾之機翦伐殷商旣
定爾勳福祿攸同封弟叔振鐸於曹國因氏焉秦漢之際曹
參夾輔王室世宗廓土斥竟子孫遷於雍州之郊分止右扶
風或在安定或處武都或家隴西或居燉煌枝分葉布所在
爲雄君高祖父敏學孝廉武威長史巴郡胸忍令張掖居延
都尉曾祖父述孝廉謁者金城長史夏陽令蜀郡西部都尉
祖父鳳孝廉張掖屬國都尉丞右扶風險廩侯相金城西部
都尉北地太守父琫少貫名州郡不幸早世云云碑末門下
掾王敞等嘉慕奚斯考甫之美乃共刊石紀功其辭云云君
高升極鼎足中平二年十月丙辰造碑陰故三老商量伯祺

云云

金石文
字記

蕩陰令張遷表君之先出自有周周宣王中興有張仲以孝
友爲行披覽詩雅煥知其祖高帝龍興有張良善用籌策在
帷幕之內決勝負千里之外析珪於留文景之間有張釋之
建忠弼之謨帝遊上林問禽狩

同獸

所有苑令不對更問嗇夫

嗇夫事對於是進嗇夫爲令令退爲嗇夫釋之議爲不可苑
令有公卿之才嗇夫喋喋小吏非社稷之重上從言孝武時

有張騫廣通風俗開定畿寓南苞八蠻西羈七戎北震五狄
東勤九夷荒遠旣殞

同賓

各貢所有張是

同氏

輔漢世載其德云

云碑末惟中平三年歲在攝提二月震節紀日上旬陽氣厥

析感思舊君故吏韋萌等僉然同聲賃師孫興刊石立表以
示後昆共享天祚億載萬年碑陰故安國長韋叔珍

案說文珍寶也

从王珍聲珍必是珍字云云

金石萃編

王氏世貞弇州山人四部稿曰良韓人釋之南陽堵陽人
騫漢中人宗系絕不相及文人無實乃爾翁氏方綱兩漢
金石記曰碑合表頌僅五百言而敘張氏先世事乃至三
之一亦似太煩 案張遷碑遷陳留已吾人而泛引張氏
誠如弇州所譏然亦可備一例

碑中既詳載立碑人碑末書年月日又於立碑人中序
其世系學業功德作詩稱美例

成陽令唐扶頌於是故從事仲字仲授張躬萬龍督郵仲規
郡掾閻葵口仲瑄處士王口董頌閻葵斑等乃共刊石樹頌
歌君之美云云碑末光和六年二月壬午朔廿五日丙午處
士閻葵斑戀念唐君為立碑口斑字宣高修春秋嚴氏大子
讓公謙襲斑業次冀叔謙治尚書歐陽次廉仲絜小夏侯眈
經史兮履仁義內和睦兮外奔赴日家財兮讚君號諸學口
兮相卑助垂後世兮丕之譽

隸釋

碑文全錄令牒例

聞熹長韓仁銘熹平四年十一月甲子朔廿二日乙酉司隸
云云仁前在聞熹經國以禮刑政得中云云表上遷槐里令

除書未到不幸短命喪身云云書到遣郡吏呂少牢祠云云

河南尹云云如律令金石萃編

金石存曰如律令三字蓋漢人公移中語史記儒林傳序

述所載詔書前漢書朱博傳博口占檄文陳琳為袁紹檄

豫州文東觀餘論所載漢破羌檄有此三字

碑末續書官階仕蹟附載詔書例

橐長蔡湛頌末君德舍洪有君子道四焉聖朝明哲以爵寵

賢光和四年十二月甲口詔書拜并州刺史隸釋

隸釋曰蔡君治橐三載而遷高邑吏民思其惠政故栗尹

等共刊斯石頌後又誌其并州之除蓋續書也

墓闕例

稱先靈例

王稚子闕銘漢故先靈侍御史河內縣令王君稚子闕金石錄

盧氏見曾校刻金石錄自注云先一作光案作先是隸釋亦作先金石錄云後漢書循吏傳渙嘗為溫令而刻石為河內令史之誤隸釋云溫者河內之邑河內是郡名無令也碑云河內縣令者以郡為尊蓋謂河內之縣令爾即溫也

靈義見卷一靈表例

稱神道例

馮使君墓闕漢故尚書侍郎河南京令豫州幽州刺史馮使

君神道金石錄

此常例不備錄神道義見卷一神道碑銘例亦稱墓道隸

釋漢故益州太守楊府君諱宗字德仲墓道是也金石錄作墓闕

今從隸釋亦稱神道封陌金石錄漢故蜀郡蜀國都尉王君神

道封陌是也周禮冢人以爵等為正封之度注王公曰正諸臣曰封說文路東西為陌南北為阡然則

神道封陌為神道前正封之路廟闕亦稱神道金石文字記載少室神

道石闕銘曰興治神道後漢書龐公傳注引襄陽記曰建

武中襄陽侯習郁立神祠於山刻二石鹿夾神道口俗因

謂之鹿門廟遂以廟名山也附誌於此

書爵姓例

趙相闕銘漢故趙國相離府君之闕金石錄

此常例不備錄墓闕與碑額例同當云某朝故某官某君

之闕或稱府君使君或稱神道墓道皆正例也上文馮使君墓闕例

同金石錄載漢蜀郡太守任君神道隸釋載清河相宏農

太守張君墓口當是道字廣漢縣竹令王君神道金石錄作廣漢縣竹令

縣誤苓乃竹令二字誤合為一字又誤以竹為廿鉅鹿太守金君闕或無故字或

無漢故二字皆非正例其較此例而加詳書字者則上文

王稚子闕及隸釋所載故上庸長司馬君孟臺神道是也

隸續載楊文夫神道云漢楊侍中文父之神道冠其姓於官上而繫以字不可為例加詳書名字者

上文注中楊宗字德仲墓道是也其較此例而略但書姓

名字不書官者隸釋所載高直闕云漢故高君諱直字文

玉是也其略之甚者但書姓隸釋所載韋氏神道是也案

墓域若無碑書官爵名字於闕亦變例之正若有碑已載而復書闕可謂冗矣若去其官爵而但書姓名簡略太甚

不可為法

水經注濟水二穀城西北三里有項王羽之冢石碣尚存題曰項王之墓此則眾所共知不妨

從金石錄逢府君墓石柱文漢故博士趙傅逢府君神

道此亦闕類附錄於此

書爵省文例

益州太守高頤墓闕益州太守陰平都尉武陽令北府丞

隸釋

右侍墓闕漢右侍之墓

隸續

隸續曰漢官有左右署侍郎此省文漢人題闕作碑多省

文如郭仲奇為北軍中候而碑中省其北字

案前碑云拜軍中候後碑

云北軍軍中候是省北軍二字

高頤作北部府丞而題闕省其部字案題

闕字大碑小其省文亦變例之正若郭仲奇墓碑中不應

省文故墓碑不著此例

詳書世系略載宦績例

趙相雍勸闕高祖父諱竇字伯著孝廉河南令侍御史九江

太守□□□君子望字伯桓右校令望子陟孝廉胸忍令□

□□□□陟弟朗字仲曼孝廉宏農令武都太守朗弟勸字

叔□孝廉成皋令趙國相勸子煜字稚□孝廉資中長江令

□□□都尉自右校君以舊墓在水闕而墳墓多地勢□□

□□□斯造墳壠樹碑銘至趙國府君在官五載莅政清平

有甘棠之化年卅五卒於官故吏民漢中太守邯鄲□□□□
等慕戀恩德刊石稱頌焉隸釋

隸釋曰右漢故趙國相離府君之闕十隸字趙氏以此為
碑而謂前十字為闕子考其文蓋題闕之文非墓道之碑
邨中之銘也

書卒葬年月日例

刻令景君闕銘維元初四年三月丙戌郟令景君卒金石錄以

五年二月□□□□隸釋

隸釋載此碑文有祖載之日游魂象生等句則五年二月
以下當是葬日

書立闕年月日及子弟建闕人石工人例

武氏石闕銘建和元年太歲在丁亥三月庚戌朔四月癸丑

孝子武始公弟綏宗景興開明使石工孟季季弟卯造此闕

直錢十五萬金石錄

書弟姪官爵學行例

武氏石闕銘公弟開明開明子宣張仕濟陰年二十五曹府
君察舉孝廉除敦煌長史被病云歿苗秀不遂嗚呼哀哉同上

兩闕一書姓名里一書官爵例

不其令童恢闕一書童恢琅邪人一書漢故不其令童君隸釋

兩闕分書官爵一書姓及立闕年月日一不書例

路君闕銘一書會稽東部都尉路君闕永平八年四月十四日庚申造一書故豫州刺史溫令元城令公車司馬令開陽

令謁者議郎徵試博士金石錄 隸續故 豫州上有君字

兩闕分書官爵一書姓名字一書姓例

太尉劉寬闕一書漢太尉劉公諱寬字文饒一書漢太尉車

騎將軍特進昭烈侯劉公神道隸續


有分書官爵同書姓字者王稚子闕銘一書漢故先靈侍御史河內縣令王


君稚子闕一書漢故兗州刺史 洛陽令王君稚子之闕 隸釋分書官爵同書姓者沈府

君神道碑一書漢謁者北屯司馬左都侯沈府君神道一書漢新豐令交阯都尉沈府君神道 隸釋

分書官爵一書姓名字一書姓字者益州太守高頤闕一書

漢故益州太守武陰令上計史舉孝廉諸部從事高頤字貫方一書漢故益州太守陰平都尉武陽令北府丞舉孝廉高府君字貫口 隸釋文有詳略無義例也





貫口 棘擊 文官筆部無義附出

兼高執 昏字 貫式一書萬姓益剛太守劍平嗜燥近醫合北初丕舉奉
萬姓益剛太守佐劍合土情曳舉幸兼能陪發專高則字



